



So497

KBCI/Thuso

Regd.No.19134/88
<http://www.kbc.org.in>
NAI/220/99
No-G-4/Regd.Magazine
/KBCThuso/MNP-81

Kum 57 Ihinna

Ellha/October 2020

WORKERS RETREAT *gothol*



NOVEMBER EVENTS

Sunday School Day - 01
Chapangte Nikho - 08

"Kapa theng, eini pumkhat ihi bang a amaho jong
pumkhat ahitheina ding un, Nangman amahohi hong in"

John. 17:11



Saijang Hou in thah, Changsal, Toilet le bathroom
hondohna Pastor Rev. Henjalen Doungei in ana bol in ahi.



Worker's Retreat kibolna a Secretary ho limlah



Secretary hon Chavangphai C/C vilna ananei un ahi.

CONTENTS

THUMAKAI HO

Mangneipa ahunge/ <i>Editorial</i>	2
PILHIN NA LAM MASOT UTE/ <i>Miss Tingneihing Kipgen</i>	4
Bidoi Nei Hinkho/~ <i>Compiled by: Rev. Onkho Haokip</i>	9
KBC WORKERS RETREAT 2020	11
Mission Column	13
Women Column	16
Youth Column	17
Literature Column	17
Development Column	18
STS Column	20
Office Diary	22
Hetna Belap	27

EDITORIAL BOARD

<i>Chairman</i>	: Rev. Tonglet Haokip, President KBC
<i>Editor</i>	: Dr. M. Thongkhosei Haokip, General Secretary
<i>Joint Editor</i>	: Rev. Onkho Haokip
<i>Contributing Editors</i>	: 1. Rev. Thongkhohun Touthang 2. Rev. Lamkeng Lhouvum 3. Rev. Tongmang Haokip 4. Pi Lhingbem Haokip 5. Rev. Lunkhosei Tuboi 6. Rev. T. Thangkhosei Haokip
<i>Design & Layout</i>	– Pu S. Lenboi Haokip
<i>Circular Manager</i>	– Pi Vahboi Baite
<i>Recorder</i>	– Ms. Nemhoichong Haokip

THUSO LAHMAN

Church/Organisation/ DepartmentRs. 300/-
Individual Rs. 200/- (Post a Rs. 250/-)

Indian Overseas Bank, Imphal Branch

A/c No. 073201000000350 IFSC No. IOBA0000732

The General Secretary,
Kuki Baptist Convention,
Opp. DM College, Imphal 795001, Manipur
email: kbcindia@rediffmail.com

Advertisement bolnom hon Mobile No. 70895979446 Contact thei.
Circulation to kisai lam Mobile No. 9862107393 bol ding.

Editorial...



Mangneipa ahunge

Editorial

(Gen.37:19)

Amasatah in muntina um Kuki Christian chate jouse ahideh a KBC member ho jouse chungha i Pakaiyu Jesu Christa minin salaam kahinpe cheh uve. Tulha thupi chu "Khangth-ahte Mopohna" kiti ahin, Youth Day ni thupi chu "Mang neipa ahunge" ti chungchangah chomcha ana kihoulim u hite.

Mang ahilou leh Vision kiti hi mihem changval hi-hen kiloikhomna a hijong le apoimo lheh jeng chu ahi. Thuchih sunpaa vannoiya michingpen leng Solomon in ana seina ah, "Vision/Mang umlouna ah mihemte amangthah jie" atie (Prov. 29:11). Helen Keller kiti aneova pat a mitchonu chun mitcho sanga khoh jo chu mit neiya vision neilou hi ahi ati "What would be worse than being born blind?" She said, "To have sight without vision." Tulaiya kiloikhomna lentah lolhingho jouse vision neilou umngailou ahi.

Achutile Vision ipi ham? Mikhat in khonunga thil ideidana um ding lim (Vision can be described as the picture of a preferred future) atie. Khonunga

hung lhung ding ideisah hou mutheina chu vision ahi. Joel themgaovin mang/vision hi mi jouse kipe ahina aseidoh in ahi. Hiche chu minumipa, nungah-gollhang, chapang-tehse le soh-le-kol ho geiya kipe ahidan aseiyee.

Bible a thulhunlui lai khanga vision nei tamtah ana umun, hiho lah a Joseph chu khat ahiye. Kum tampi nunga thil hung kikhel ding deisah khat ahitoh kilhonin Pathenin vision ni ana musah in, ahin asopi hon ana hot louve. Vision kicheh tah anei vang chun nom tah in gal ajou deh poi, gen-theina le lhisona-kana toh akilhon peh in, achaina vang lolhinna le pachanna ahung hie.

Mang neipa/nu ahunge ei kiti theina dinga eiho jong Pathen dong puma ipi mang ham tulaiya ichen khompi iu-inao/isopi ho henga sei ding chu! Insung louma, society le houbung sunga kikhen telna le kithaje khom thei louna ho a Pathenin ipi mang eipeh uvem? Ikhangthah te jouse chungah hitobang "Mang neipa ahunge" kiti thei le itobanga kipa umding hitam!

Khangthahte mopohna hi tampi umjong le Pathena kona mang/vision hi ahinkhou le anatohna a dia akimu diu hi apoimopen ahi. Hiche mang chun alunggel-lungput, ahindan, aneh-achahho a kikhelna ahin nei ding, insung, gamsung chule houbunga lolhing tah a kiman chatna anei diu ahitai. Hitobanga dingin Pathenin khangthah jouse vangboh cheh tauhen. Chule, lunglut tah a sim jouse chungah Pathen vangpeh chang taken.

PILHIN NA LAM MASOT UTE

(Heb 6:2b)

Miss Tingneilhing Kipgen
Women Secretary, KBC

ARTICLE

Tukum 2020 KBC theme “Pilhin na lam mason ute” kiti hi ahoi lhez jeng in ahi. Houbung jousen jong hiche thupi hi hoitah a ikitahcheh diu katansan in ahi. Ahin lah jem hoi tah a Hou in na ikitah uva chu kichai jeng ding ahipon, amavang hiche Houbung jousen iche pidiu leh idel diuva ikilhen nu kum thupi dung juija ichan iphah nah uvem ti jong kikhol in aphan ahi.

Minu mipa te jousen ichateau khanlet ding idei soh kei jun, akhan let mai mai ding seh hi-lou vin apilhin diu imunom soh kei jun ahi. I chateau chu kum 20 kum 30 aphah jou vin jong amacham in an kinah thei lou, pam pot thei lou, a dei angai kisei thei lou vin um ta leu, hitobang ho chungu chun nule Pa hina a akipah ding koi aum nadem? Hitobanga chu Jesu Christa jal a Pathen chanu chapa a ikisim niuva patna Christa'a ikhan tou uva kikhanihit hinkho iman diu chu eitup peh u ahi.

KBC in Pathen lungset na jal in Diamond Jubilee jong 2018 kum in ina mang taovin, Kuki Baptist min in Centenary jong 2014 kum in ina mang taove. Kum in kisim leh achapang chu kihitalou ahi. Hiti ahijeh chun

Convention khat hina'a pilhin na lam hi ichan gei ja imasot uhinam? Tuchan na KBC keima mudan leh kajah dan alhang pi khat kahin tah lah nome: Pathen in kidang tah in lamkai masa pute pate anamang chan KBC din na ding keng thum hoitah leh phatah ana musah in ahi. Hiche ho chu: UNITY, MISSION, SERVICE. Hiche ho a pansan KBC in Pathen na itoh naova ichan igei uvem alhangpi phabep ana veuhite.

I. UNITY: Lamkai masa hon ana gon nu KBC keng thum a idin nao amasa pen unity, kipumkhat na hi ahoi lhez jengin chu-leh ingaichat pen khat nu jong ahi. Ahileh hiche kipumkhat na lam a hi ichan gei ja pilhin na inei tah uvem? Tu idin munnu ivet leh mun jousea kibung

khen na leh kikhen tel na jeng adim in ahi. Local Church ho, Centre Church ho, Gambih leh Head Office, Natong ho leh natong ho

kikah, elected member ho leh worker ho kikah, milui ho leh khangthah ho kitimatna, hiche ho jouse a hin kipum khat na hi ahina ding banga umdoh jou lou bang in akilang jing in lainat aum lheh in ahi. Chuleh hiche kipum khat na keng hi Ecumenical in outlook tin jong ihilchen un ahi. Chuti ahileh denomination dang dang hotoh jong kiloikhom a, kithokhom a panlahkhom ding ti itup u ahi. Ahin lah kiloikhom pi ding hol be be tahsang in tutua ikiloikhom pi hou (eg. MBC dalhah

ding) to jong kikhen ding ti lung gel inei jing un kidang kasah khat chu ahi. Local Houbung ho hihen, Centre Church ho hijong leh chuleh Gambih leh Head Office hihen, Houbung dang dang toh ikikah u hihen, full time worker ho kikah leh elected member ho toh itoh khom nao hijong leh "KEIHO" ti pa hi "EIHO" a ikhel tokah seu vin khan touna leh pilhin na toh ikigam lat jing diuvin kamun ahi.

II. MISSION: Hiche hi keng nina ahi. Hiche hi Evangelism in approach tin jong ihilchen un, hichu Kipana thupha seiphongna ahi. Kahetkhel lou leh KBC in Penthah thu nasatah a ihin

khohsah pat nao hi 1980 vel a hung kipan ahin, hiche a pat chun phat phabep pi KBC Houbung ho lah a lhagaova hal na leh kipana nasatah ana um in, hiche toh kilhon in Mission natoh jong nasatah in ahung machal in, lhagao mangthai khohsah na leh pohnatna lentah ana um in ahi. Ajeh chu penthah jouva tohding khoh pen a ana kigel chu Kipana thupha ahelou lai ho hetsah a mijousen Christa kipana thupha akisan na huhhing achan ding chu ahi.

Hijeh chun Houbung pumpin Mission natoh hi ahin gel khoh a Missionary ihin sol doh pat nu ahi. Tunin Foreign geijin Missionary isol doh thei taovin kipa aum e. Ahin alhang pin tulai hin lhagaova hal na leh kipana alhom lheh dan in akimu tan ahi. Lhagao mangthai ho dia mitlhi jong ahul gam toh abang tai. Mission natoh jong hi Houbung pum pin itoh diu khoh pen ahi iti nao vin, abang kom leh Mission Board ho bou vin agelkhoh tobang in ahung kilang jin ahi. Hijeh chun ikivaipoh nao va jong a min department iti lou vang uvin ilung gel u leh ibol dan u

hin departmentalized ihisah un hiche hin Mission na itoh nao nasa tah a ahatmosah a chuleh apilhin sah jou lou ding in kamun ahi.

III. SERVICE: Hiche hi KBC idin nao keng thumna ahi. Hiche hi Practical in Action tin jong ihil chen un ahi. Hiche hin Houbung ho Pathen thu bou sei peh louva tahsa a angaichatnu akihin sona diu va angaicha ho a jong kithopi ding ti ahi. Hiche natoh hi 1990 langa pat in development project chom chom ho a kon in Houbung mi tam tah in anaphat chom pin ahi. Ahin la vang set um tah in hiche Service natoh jong hi anamachal jom pon ahi. Hijong leh akham kham in Women Department inthem them in ana bol jom in, tua Lydia Resource Centre a ibol hou jouse khu KBC idin nao keng athum chan na "Service" chu ahi. Tuhin kipa umtah in Men Department in jong Lom Resource Centre ahin boldoh un chuleh Development jong ihin sempha kit un ahileh hiche Service natoh hi nasatah a ahung machal a pilhin na lam imano diu kinep aum e. Ahin ikhan tou na diu leh imachal na diu vin chuleh ipilhin thei na diu vin giltah a gelkhom ma sem toh ding leh boltoh ding phabep um ding in ka gel e.

IV. NATONG DING LEH LAMKAI DING KISEM DOH NA: Hiche hi Human Resource Development tia hilchet thei hinte. Tumasang lai jin KBC a natong ding chu a Bible sim a pat na KBC in achop ma ahin chai chai leh kitoh sah jeng ahi. Ajuh chu Pathen na-

tong ding mi ana lhom jeh in jil na leh thep na sang tah nei hih jong leh angaichat dung juija ana kimoh goi jeng phat jong ana um in ahi. Pathen lungset in khan tou na toh kilhon in tulai jin DPC phatah akibol in KBC natong ding jong idei dei kilhen thei naphat in eihin pha tao vin kipa umtah ahi. Ahin lah DPC ilolhin man na jong Pathen in eiman chah di jong ahideh kit poi. KBC sunga natong ho Pathen manchah thei ding leh Houbung ho ngaichat thei dinga pilhin na idel u angai tai. Hiche na ding chun kigot na phatah nei angai jin, lhagao lam a eima kham bol na nei angai jin ahi. Bible sim leh taona a pot tho angai je.

Eikingan sena mun na hi bol lou pha mo tia bol louva, apha ding pen leh ahoi ding pen na ei ma jokham chan na bol angai jin ahi. Kipat til laichun natong ding jong i college a training chaisa hahsa tah a ana kimu ahin, tun vang Pathen lungset na jal in Lamkai kichuh na ding mun eima College (STS) jong inei doh thei tao vin kipa um tah ahi. Ahin hiche Shalom Theological College (STS) jong hi akipan til ahin apilhin thei na dinga thil tampi ngai ho jouse suhbulhitna dinga taona pum a Natong ho, lamkai holeh Houbung pum pin pan ilah u ngai jin te. Chuti hen lang hileh hiche College hin khonunga Houbung

ho dinga lamkai pha tah tah ahin sem doh a Pathen natoh na leh lamkai kiseum na a pilhin na dinga nasatah a panpitu pha tah ahung hi ding hi itahsan nu leh ikinep nao len tah chu ahi.

CHRISTA PILHIN DUNG CHAN PHAH DING (Eph. 4:13):

KBC Convention khat hina a ijakai ja ipilhin sah nom nao chungahung kitah lang ho kal val a jong tam pi aum ding katahsanne. KBC pilhin na dinga hin angaicha thil dang dang jong um nante, ahin amasa pen na lamkai holeh Houbung mi pum pin Christa pilhin dungchan iphah na diuva ikihabol u ngaiding ham tin kagel e. Jesu Christa akhan tou dan chu Luke 2:52 ivet leh area li in akhang tou vin pilhinna anei jin ahi.

Hiche ho chu:

Chihna, Tahsa, Pathen deisah leh mihem deisah (mentally, physically, Spiritually & Socially) in akhang tou vin ahi. Tulaija wholistic development itiu khun ahop di ham kati e. Houbung miho jouse leh KBC kivaipohna jeng jong hiche area li a Jesu Christa khanna model a hi ikhan tou vu angaijin ahi.

Christa pilhin dung chan phah na ding in:

1. Lhagao an'a phate keicha kivah angai jin ahi. Tahsa phe khan touna dinga neh leh chah pha

pha ingai chat banga Lhagao lam a ikhan let a ipilhin na ding un Pathen thuha sim a sim a chuleh isim seh seh nganse lou va jui ding, abol a jong pan angaijin ahi. Ajeh chu tulai jin Christian tamtah aseija them abol a pang lou akitam behseh tan ahi.

Pathen toh kihou matna leh phat man khom na jong nei jing angai jin ahi. Chutia chu Jesu lam kat jinga ama a jung kho detna inei teng uleh koimachan eisuh ling jou lou ding ahi tai (I Tim. 3:16; Heb. 12:2; Col. 2:7). Chuteng leh ikhan tou uva ipilhin thei diu ahi. Chuti a chu puichatvai ja um a chuleh thuhil hui lhoh lon le chapang ihi thei lou ding u ahitai (Eph. 4:14).

2. Christa'a pilhin na ding in Ama lungput nei angai jin ahi. Hichu ipi tobang lungput ahidem? – Chi le nam, phung leh chang a, hao le vai jeh a, chih leh mol jeh a, let leh neo jeh a, numei leh pasal hina a kivetichom na leh kimusitna umlou lungput, kilung douna umlou, ham hoitho na leh kiseisetna umlou, chon nem na, lung nemna, thoh hanta nei lungput, ngailutna a khat leh khat kingaithem tona, kingaidam tona, chamna nei, ama sanga midang gelk-hohna nei, maipha vetna umlou, Pathen chonphatna, Pathen kitahna leh Pathen thenna kivonding, lepchena umlou, hiche ho jouse chung vum a kipum khat

na lungput nei ding tina ahi (Phil 2:3-5; Eph 1:10; 4:2,3, 13-15, 24-5:1-2; John 17:11,21). Chuti hen lang hileh kitah na leh thutah a kivaihom na um in tin, eima dei leh lamkai khat maivetna jeh a adih lou hena sa sa a bol tei tei jong umpon tin, Pathen mai ve a Pathen dei bou hol a toh doh ding, chu teng leh KBC Pathen lung lhaina ihuua Pathen phat-thei ichan u va ikhan tou jing uva, chuleh ikum mu atam chan na imalam jousea pilhin na lam imano jing diu katahsanne. Amavang Christa lungput inei lou teng leh eima phat chom na ding gel nan jousei jong khoh sa louva, Pathen cha khat in abol ding leh ase dinga kilom loutah jong kibol ngam jeng thei ahi.

3. Tahsa mihem hina in kipumkhat ding thukhat kisah ding kiti hi thil bai ahipoi. Nukhat sunga peng ucha apeng kop jeng jong dei dan kibah louna tam pi aum leh mijouse lungkhat hiding kiti hi thil hithei ding in aumpon ahi. Ahin lah Christa formulae iman leh baitah ahibouve. Hichu Pa leh Chapa khat ahibanga ama tahsan chate jouse Christa a pumkhat ihuue ti ahi. Hiche dinga hi Pakai Jesu Christan a leiset hinkho kichai kon lam a Pa henga giltah a seijui ho dinga ana tao ahi (John 17:11). Chuleh I Corinth

12, Ephesia bung 4 le 5na a Paul in kicheh tah a ase na a chun Houbung luchang hija Christa ama tipum a beh tibah (houbung miho) ho kipumkhat ding dan ase hi mijousen kijui cheh leh kipumkhat hahsa lou beh ding ahi. Hitia chu eima insung ding bou, eima houbung ding bou, eima gambih ding bou kigel na chu lhom in tin, Houbung leh Gambih hon Office lang hin khoh sah un tin, Office in Houbung leh Gambih ho khoh sah na hung len in tin, 'keiho', 'Nang ho' ti hung lhom in tin 'Eiho' ahung hat teng leh ikhan tou diu chu tia chu kipum khat na lam a ipilhin thei diu ahi.

KBC kivaipohna lam hihen kivaihom na hijong leh, sum le pai lam hi hen Pathen na itoh naova angaicha adang adang ho hi jong leh hiche ho jousea ipilhin thei na diu vin amasa pen a ikibul phu na ding uva kagel chu Christa a ium uva, ama a ikiphudet uva alungput ho ikilah uva, Christa pilhin dung chan chu idel masat tenguleh thil dang danga jong ikhan tou uva ihung pilhin thei diu ham tin kagel e. Kuki Baptist Convention Pathen deija ikhan tou uva Christa pilhin dung chan iphahthei na diu vin asim jouse Pathen hou pina chang cheh ta-hen!

Bidoi Nei Hinkho



~Compiled by: Rev. Onkho Haokip

Sermon

Ajeh chu ama a chu thil jouse kistem a ahi, van chung a, leiset chung a, thil muthei le mumo, laltouna hihen, loinehna gam hijongle piputna hihen, thahat thuneina hijongle, thil jouse ama a chule ama ding a kistem a ahi." Colossians 1:16

Na hinkho bidoi pipen chu nangma ngaichat suhbulhitna, nangma lungthim kipana, nangma hinkho chamna, nangma insung, nangma changval lungtup chule nangma kinapna jouse sang a hatah a chun-gnungjo ahi. Nangma le nangma kistem na hilou jeh in na hinkho bidoi nangma in na kihetdoh theipon ahi. Thilkhat kiti hi asempa tilou midang in akisemlona bidoi ahet thei jilou ahin asempa mong mong doh ngai ahi. Gammang lah a gam mang khat chun asodohna thei lampi mun a akithah pat kit lou leh mang den ding ahibang a hinkho hi Pathen a kipat ngai ahi. Hinkho kiti hi asempa Pathen lungdei lamtah a mandoh ding ahin eima hinkho deilam lam a Pathen manchah ding hilou ahi. Tahsa hinkho a milolhing hijong le chun Pathen in na semlona Hinkho Bidoi a losam a na um thei nalai ahi. Hichu losapna sangpen ahi. Na hinkho chu akikhel theilou tonsot thutah a na bulphu ding ahin akikhel jing thei kihoulimna le lunggel hilou ding ahi.

Na nei na gou jeh a migun/poimo khat hidoh na hipon na bidoi na khah jeh ahijon ahi. Hinkho Bidoi kihetna in hinkho dihtah apethei e. Mihem hi panna nei ding le hinkho dihtah mang ding a kistem ahi. Hinkho bidoi kichehtah akinei tengleh thil ijakai akidou jou in ahinlah bidoi kicheh neilouhon imacha athoh jou jipouvin ahi. Hinkho a vangset umpen tah chu tahsa thina hi ahipon amavang bidoi neilou hinkho man hi ahi. Na hinkho bidoi na kihetna chun na hinkho ajansah a tha tamtah napehsah ding ahi. Na hinkho bidoi kicheh tah na kihetleh na bol lou ding tamtah na kihetdoh tina ahi. Mihem a hinkho bidoi kihetlouho in thil tamtah abol jiuvin lungthim le tha, phat le nikho tamtah athon in asumang jiuvin ahi. Na bol ding bou na kihet phat in na tha le jung le na doi jouse munkhat bouva achutan na thalhingset tan ahi.

Hinkho bidoi kichehtah na kihet lou laisea na natoh, na kiguijopna, chule na hinkho man dan na khel khel jeng ding in aumin ahi. Bidoi neilouhel a na hinkho lhum kei a na boi boi jeng thei ahi, ahin ipi phachom ding ham? Hinkho Bidoi Kihetna hin Tonsot a kigotna

apethei in ahi. Leiset a hi geldoh ding a kikoi hilouvin tonsot hinkho kigot theina ding a kikoi joh ihiuve. Nikho khat tengleh na lungchang phut hi kichai ding ahin hiche nikho chu na tahsa kichai nikho hiding ahitan ama vang nangma kichai nikho ahinaipoi. Mi tamtah in leiset hinkho a Pathen ahol nom lou jeh uva tonsot hinkho Pakai pang louva aman diu ahi. Hiche leiset hinkho sang in na thinung a na hinkho sajo aumin tu hinkho hi tonsot hinkho kigotna phat chu ahi ti na hetchet thei tengleh nitin na hinkho man dan kikhel jeng ding ahitai.

Mi chinglouho bou kigotna neilouva che diu ahi, tonsot hinkho ding hi moh gel dau thei thil ahipon ahi. Phat masa lang chun nitin na hinkho hi, "na hinkho a ding a nikho masapen bang in mang in," tin ana kisei in ahi. Ahoijo le adihjo ding chu, "na hinkho a ding a nikho nunung pen bang in mang in," tia geljoh ding ahi. Thil ijakai hi Pathen a ding bou ahi. Pathen in nahin sem seh ahipon Ama ding a jong na sem ahi. Thil semjouse achaina chu Pathen loupina ding ahi. Geldoh ding – Na hinkho hi nang a ding a na man ding ham ahilou le Pathen loupina ding a na man ding ham?

KBC WORKERS RETREAT 2020

Report

Amun : Elijah Prayer Mount, Gothol, Churachandpur
Anikho : 22nd Sept. – 25th Sept. 2020

Speakers:

- 1) Rev. Pillar Paosei Haokip, Pastor Gambih no. 11
- 2) Rev. Tongmang Haokip, Secretary, Men Department.
- 3) Ms. Lhingboi Kipgen, Secretary, Women Department.

Thupi:

Pilhinna lam ma son uhite (Hebrews 6:2b)

Devotion Leaders:

- 1) Rev. Thongkhohun Touthang, Finance Secretary
- 2) Rev. James Jangkhohlen Haokip, Pastor Centre Church Thingja-bong
- 3) Rev. T. Thangkhosei Haokip, Secretary, Literature & Publication

Resource Persons:

- 1) Rev. Dr. M. Thongkhosei Haokip, General Secretary

Topic: Pathen natohnaa Khanglui le Khangthahho kikh lei do matna

- 2) Dr. Seilenkap Haokip, Asst. Co-ordinator, Holistic Development Committee.

Topic: Gamsung khantou machalna ding lampiho le eiho mopohna

KIMANCHAH DAN VELVETNA:

1. *Time-management:* Tuchung retreat ahin program a minchong phat mangho jouse athem thei uvin pachat a umtah ahieve. Phat man dan lampang a hin pilhin na nasatah in imano tauve tijong muthei in ahi. (Note: Hinlah sharing issues & concerns phat in vang time management nasatah in akilhasam jep nalai in hijeh chun Centre church ho atamjon issues share abol man tapoi)

2. *Program* a aphant mun lothei lou mi themkhat a um in ahi. Hijeng jong leh aphant cha kihet to na leh coordinator teni felna jal'in ima-cha nohpah na vang aum poi.

3. *Taokhomna program*: tuchung taokhomna program hi anom lheh in chuleh leader a kigong ho jong hoitah in eilamkai uvin mijousen nom asah thei in ahi.

4. *Retreat Speakers*: Tuchung hi speaker ho thusei ngainom a um thei lheh in ahi. Pilhinna lam mason theina ding kitilkhon nathei lampi tamtah eiseipih uve. (Hettthei khat chu speakers ho lah a Rev. Pillar Paosei Haokip hi next year retire ding ahitah jeh in tuchung retreat hi amadinga achaina jong hitading ahi)

5. *Seminar*: Tuchung seminar kibol na a resource person tenin jong thu gil tah tah eiseipih uvin ahi. Chuleh ahung kikhon mite ho ahin chuleh houbung le convention a dinga phatchom pi ding tampi ahil lhon in ahi. Lungleh tha, chuleh phat tampi senga preparation ahinbol hon ahidan muchet ahin kipapi le kithang at pi umtah ahilhon e.

6. *Sharing & Mentoring session* jong aphachom lheh in ahi. Hiche phat hi kihil na le aphalam tah a kisosal naphat in akimang thei in phatchompi a um lheh e. Hiche phat hi akihomtho lheh in response phat a umthei behseh pon ahi. Hijeh chun sharing bolho hin issue raise bou bolthei henlang report peh tiho hi umda thei leh phalheh inte. Ajeh chu sharing & mentoring phat hi time management alhasam jep in ahi.

7. *Vahchoila*: tuchung praise & worship team hon lasah nomtah in eilam kai uvin ahi. Hinlah team combination lhahsam deu tobang in akilang e, ajeh chu apat vaigei ji jeh uvin laa akitam sah doh beh poi. Pakai lhacha vahchoi lasah them tah tah hoa kon in jong solo le duet ngaitah ho jong eisah pih uvin ahi.

8. *Recommendation & Recommitment*: Tuchung hin recommendation committee akisem toh kilhon in sharing kibol ho review ahinbol uvin kiphatsah nathei points 5 tobang ahin tahdoh uvin ahi. Chuleh kipeh thahkit na (recommitment) points 11 toh ahin tahlang uvin ahi. Hiche toh kilhon chun mijousen phatsah na leh nopna sign jong akibol khom in ahi.

9. *Fasting prayer*: tuchung hin angeija banga fasting prayer hi apoimo pen tah tohgon khat jong ahi e. Hinlah Day – 2 nikhoa manding a kigong chu gojuh daikai jeh in anikhon akimang thei tapon

Day-3 nikho joh in akimang in ahi. Lottery system in prayer partner akisem in chuleh alolhing lleh in ahi.

10. Chuleh tuchung program ahin dammo veiset jeh a program pang lhum talou tiho umlouvin akichai thei in ahi. Hinlah mikhat le ni boina chom chom jeh in kikhen nikhoa mache aum e.

{Note: Phat in ato tahlou jeh a response phatah kipe thei lou issues & concerns ho jong a um in, chuleh apoimo dehset jong um ahi. Hiti ho jouse hi abon chan record akikoi in ahi.

Tuchung retreat ahin GS le atohkhompi secretaries ho jousen vetjui thei tah in pan alauvin ahi. Adeh in kaikhom le phat dang dang jou-sea alhung masa pen pen in apang jiuvin vetton umtah example mijouse amusah uve. Program Coordinator teni jong feltah a pan alah hon toh kilhon in apat nikhoa kipat achai changei nohphahna imacha aunpon ahi. Hitobang a apanlah hon dan kipapi a um mong mong e.



KIPA THUSEI NA:

Tuchung retreat ahin mess incharge eilah pih u Gothol B/Ch. te ahi- uvin. Amahon thanom le tompa tah in pan alauvin nehle chah atuilheh in ahi. Neh le chah mai mai hilouvin physical arrangement poimo tampi ho jong eisuh fel pih uvin kipathu sangtah akisei e. Pathen in Gothol B/Ch. phatthei boh jing hen.

Retreat recorders,

1. Ms. Nemhoichong Haokip,
PA to General Secretary

2. Pastor Th. Letkhoson Haokip
Pastor Gambih No.7

Mission Column

Rev. Lamkeng Lhouvum
Secretary Mission

1. Mission & Evangelism Tour:

a) Gambih No. 16 Tour:

Mission natoh machal na khat in nikho 30th August 2020 Sunday nikho hin Sinam Baptist Church No. 16 jingkah kaikhom akineijin ahi. Chuleh sun nah in Saivom Houbung vilna akineijin, hinlah Covid -19 jeh in kaikhomna aum thei tapon ahi. Hijong leh Houbung Deacon ho toh kimuto na le Taokhomna akimangin ahi. Chuin Centre Church Molnoi Area Deacon ho toh taokhomna akineijin ahi. Mrs. Lhingboi Haokip insung mite vilna leh Mission support natoh na thu a kihoulimna le Taona akimang khomin ahi.

b) Pangjang B/C Education Day:

Nisim 6th September Sunday nikho hin Pangjang Baptist Church KBC No 3 kiman chah na akineijin KBC Education Sunday nikho in



kiman chahna akineijin ahi. Chuleh Pangjang Baptist Church vet-suina noija um Nepali Baptist Church jong vilna akineijin ahi.

c). Sept. 13 Zoom Meeting with KWS Hyderabad:

Nisim 13th September 2020 Kuki nam mite dia Black day nikho ahitoh kilhonin, KBC Office a Head Quarter Fellowship hotoh Black Day nikho taokhomna akimang khomin ahi. Sun nilhah lamin, Pheidingá Meitei Mission Field vilna akineijin ahi. Lungset umtah Fellowship hi taopehna akineijin ahi. Nilhah in Zoom Meeting a KWS Hyderabad ho toh Sahnitni Black Day nikho man khomna akineijin ahi.

d) KBC Centre Church Joujangtek vilna:

27th September 2020 Mission Board Member Pu S. Onkhomang Haokip, Pu Haopu Singsit chuleh Pu Haojakam DOUNGEL ho jao na in KBC Centre Church Joujangtek KBC No. 7 ho vilna akineijin ahi. Houbung mite toh thanom tah in kiman chah khomna akineijin ahi. Pathen in Houbung aum pi jing akimun kipa thu akiseije.

E) Gambih No. 4 Houbung ho vilna:

Nisim 4th October 2020 Sunday nikho hin Mission Board member ho Houbung chom chom kihom khen nin anoija Houbung ho KBC No. 4 ho vilna akineije. 1. N. Songlung B/C, Rev Lamkeng & Pu S Onkhomang Haokip, 2. Bethany B/C & Mongpijang B/C Pu Thangkholun Haokip 3. Phoibih B/C Pu Neka & Pu Haojakam chuleh 4. L. Khomunnom B/C Pu Haopu Singsit in vilna akineijin ahi.

2. Mission field a kithah Missionary ho:

a) Missionary Gl. Jangminlen Vaiphei,

Ama hi Arunachal Pradesh Mission Field a dia kigong chaise ahitai. Hinlah Covid-19 Pandemic jeh in field a ache thei tapon ahi. Chuti ahijeh chun KBC Education Board in ahin ngaichat dung juijin nikho 15th September 2020 nikho chun Dr. Colvil Extention School Haolenphai Houbunga Missionary Teacher khat in akisoltan, Board member hon akithah luttan ahi. Hiche ni hin Meitei Baptist Church Silver Jubilee thu a kihoulimna jong akineijin ahi. Chuleh Individual Mission Sponsored ho vilna leh Taopeh na jong akineijin ahi.

b) Missionary Lalminlun

Nisim 17th September nikho hin Serou Nepali Field Missionary dingin Missionary Lalminlun Kipgen & Family chu Board member hon thah lutna akineitai. Kipa umtah chu Pu Chungjalen Haokip in House Rent la louvin Missionary te family achen sah in ahi. Chuleh Gambih No 21 lamkai hon nasatah in gelkhohna anei jallun, toh ding ijakai in suhtheng na leh Missionary te um na ding in ho ei suhtup peh jallun kipa thu sang tah in kahin phonge. Pathen in Gambih No. 21 ho phat thei boh jing taken.

3. Elijah Prayer Mountain natoh machal jing.

a) Main Sanctuary sahna natoh kipanta.

Nisim 8th September 2020 Elijah Prayer Mountain muná Main

Sanctuary sahдох na dingá tohgon kinei chu amun Levering aki-bol panin, Mission Board ho jong akipang soh keijin, JCB natoh 7.3000am- 5.00pm chan natohna akineije.

b) Washroom Thenso hita:

Phat sotah lutna hung kisah Washroom chu Elijah Prayer Mountain muná ahung kisan ahi. Hiche sahдохá aum thein a dinga hin,. ahideh in Missionaries ho tu le tu a Mission Field a che thei lou ho Missionary, Thangkholun, Missionary Chochon, Missionary Lenkhohao, amuná care Taker Mr. Jiljkhohun leh a in neipi ho hapan najalin natoh ama challin ahi. Chuleh Pu Haopu Singsit leh Pu Haojakam Doungei ama ni jong 16th- 20th September 2020 sungá gunchu tah'a apan lhon jeh in Washroom sahna Pathen lungset in jo in aum tan ahi. Hiti chun KBC Office Secretaries, Gambih lamkai ho chuleh Mission Board Member ho jouse jaona in Rev Lamkeng Lhouvum Secretary Mission & Evangelism KBC kin thempu hina hi 21st September 2020 nikhon thensona akineitan ahi.

c) Main Sanctuary sahna dinga Inning songphuna kineita.

Nisim 19th Saturday nikho hin KBC Secretaries ho leh Mission Board ho jingkah in Elijah Prayer Mountain muná in-ning songphuna kin chu akineitan ahi. Hiche a hi Rev. Dr. M. Thongkhosei Hakip General Secretary KBC kin thempu in apangin ahi. Pathen in KBC phat thei boh jing taken.



4. Outreach Programme.

Pathen lungset in nisim 5-7th October 2020 KBC Centre Church Salem Village Sapormeina muná Nepali Field a Missionary hotoh kithokhomin Church a Outreach Programme ho an ache lhan, alhang pi isopiu Nepali ho nilhah she in atahsan lou laiho mi 30 tobang kikhom in kiman chahna aneijun ahi. Pathen in kidang tah in amang chaovin, nilhah le Outreach akibolin sun teng leh Home visit ho akibojin ahi. Pathen KBC Centre Church Salem Sapormeina phat tjhei boh jing hen lang chuleh Nepali Mission field jong khang tou jing taken.

Women Column

*Ms. Tingneihing Kipgen
Secretary Women Department*

Convention Level Meithai Camp phat tep louva kivochon ta: Mun tin na um Christa Houbung mite ho, adeh a Nute lamkai ho henga hetsah nom chu, tukum October 20- 24 sunga KBC C/C Langol mun a Convention pumpi hop ma Meithai Camp bol ding kiti chu Covid-19 natna jeh in phat tep louvin vohchon ahitai tia hetsahna kahin nei ahi. Bolthei ding phat hi ol a ikihet to kit diu hitan te.

Lydia Resource Centre (LRC) kiphudoh nikho 13 vei lhin na: Lydia Resource Centre tumasanga Lydia Weaving Centre tia anakihe chu 1st October 2008 nikhon KBC Head Office, Imphal mun na Rev Y. Haokip, Former General Secretary in hondoh na ananei ahi. Kumdang in Events a ana pang in tao na leh thilpeh in ina gel doh jiu vin ahi. Ahin hiche jong chu tuhin ibol jom kit tapou vin ahi.

Hijeh chun LRC kiphudoh nikho chu tukum in amun Hmar veng, Churachandpur a Pathen thangvahna maicham semna kin gon neocha ana kibol in ahi. Hiche ni hin Gambih No. 8 Pastor, Gambih Chairman & Secretary, Gambih Nute lamkai ho Ihingset, C/C Kanan Veng Pastor & Secretary, Houbung Nute lamkai ho Ihingset in chuleh Women President lamkai na in akibolin, Pi Hilneng Haokip, Instructor masapen jong ahung pang in ahi. Miss Lhingboi, Women Secretary, KBC in Houlim na leh tilkhouna amang in, Rev Dr P. Chongloi, Gambih Pastor pan LRC a ding in phatthei thumna taona amang in ahi. Hiti-chun Churachandpur a um Pastor inneipi hon an tuitah eihon peh un kikhop kichai jin mipin kipah tah in kipana ankong umkhomna jong akinei jin ahi. Hiche LRC a hin tutun ponkhon na langa nungah 9 Instructor nu pum in aum un, Trainees leh Production unit ani a kigom ahi.

Ponkhuina jong Development Committee mopohna noiya numei 10 val in ponkhui ajil un ahi. Hiche mun hi numei panpi ngaicha ho kithopina dinga kibol ahi. Hitobang numei ho chun ahin khovu all round development/wholistic development ahilouleh lhagao leh tahsa a akhan let uva ama ama kenga adin thei na ding uva kithopi ding hi hiche mun in adoi le tup ahi. Houbung miten na taonao va nahin geldoh jing diuvin ngehna kahin neije.

Youth Column

*Rev. Lunkhosei Tuboi
Youth Secretary*

Koitaabong Alpha Series a jao nom ho jouse tu ahung lhung ding Wednesday nikho a kipat na Alpha Ministry Zoom conference Wenesday sih le kibol jing ding ahitan houbung khen-tum umlou va apang nom jousen pan alah thei ahin nangma jong hiche ministry a hi thon lou hella hung pang cheh ding in tem na sang pen kahin pen ahi. Alpha Ministry hi ipi ham ti hetchet be nale malam ma ipi ti Pathen thu kamachal sah thei ding ham ti hetdoh nathei kilem tah jong ahijeh in hung pang cheh din tem na kahin nei un ahi.

Literature Column

*Rev. T. Thangkhosei Haokip,
Secretary, Lit. & Publ. KBC*

1. Sunday School Exam Thu:

KBC Council a kiphatsah na banga kumlhun Sunday School Themvet na hi KBC pumpia umlou ding ahiitai. Eima Houbung cheh in Thudoh ikisem uva Themvet na ikibol dingu chule Kipa man jong eima Houbung cheh in ikisem tah ding uvin Pakai min in temna leh hetsah na kahin neiye.

2. KBC Assembly a kilol na banga Houbung sunga koitobang tukum 2020 sunga Bible pumpi li(4) vei simchai ho kipa man peh ding kiti chu tuchan hin mi som(10) in amin ahin pelut tan ahi.

Pathen thangvah in um taken.

Development Column

KBC HOLISTIC DEVELOPMENT

*~Rev. Onkho Haokip,
Coordinator, Holistic Development Committee, KBC*

KBC 90th Executive Council phatsah dungjui in KBC Holistic Development Committee in AbaFarm (Adonai Beacon Agros Farm) toh kithokhom ding kigotna akineiyin gambih le houbung phabep a Abafarm thua Seminar le Worship akiche jom jing in ahi. Hiche Farm chung chang'a gamsung mite lunglutna nei tah tahho le nasatah'a pan hinla dingho chung'a kipa thu ahung kiphong in ahi. Het ding khat chu hiche Farm chung thu hi August lha apat KBC Thuso mang cha a hung kilhang sap jing ahin October 25 kah'a min le form ijakai KBC Office mun'a alhun cheh ngai ahi.

Hiche chung chon'a KBC le Abafarm te kithokhomna jal'a KBC gam sung le mite ding'a Organic (dammopi thei lou le ai jaoulouva kitu muchi) Ahlu (Pototo), Changnamlum (Onion) le Chache (Tea Leaf) hung kihom ding ahi. Hiche thilho hi kailhang (market) a akijohna man sang'a hatah'a nemjoa kichoh thei ana hi ding ahin, lha seh leh kichoh thei hi ding ahi. Vetsahna in Organic Potato hi dam theina ahijeh a Big Bazaar a Kg a Rs. 124 man ahin, ahinlah AbaFarm toh kithokhomna jal'a KBC houbungho in Kg a Rs. 40/- bouva kichoh thei hiding ahi. Hiche bang'a chu Onion jong Kg khat a Rs. 40/- bou hiding ahin Chache (Tea leaf) hi Kg khat a Rs. 800/- hiding ahi. Kum lhung keiya aman khang ta lou ding ahi. Het ding khat chu eiho umna mun'a Potato, Onion le Tea Leaf hohi Organic ahilou jeh a man lhom cha cha kimu ahin tahsaa ding'a pha hilou ahi.

Eihon Farm lei thengtah ibol uva an che theng ikichohnau hi AbaFarm te toh Pathen na itoh khomnau ahin hicheho akon eiho pao a Audio Bible hung kisemdohna ding jong ahi jeh in muntin'a houbung mite in Development Programme hung kigongho hoitah'a ana tosot cheh ding in Pakai min in temna le taona ahung kineiyina hi

Rev. Dr. Paokhohao @ Haoneo Haokip,
Principal, Shalom Theological Seminary

SHALOM THEOLOGICAL SEMINARY

- Ngailut umtah houbung mite, STS library a lekhabu koina ding Rack 10 akichoh be in, masanga ho pumin 25 vel alhing tan, hicheho jousea hi lekhabu koidim teiding kiti ahi.
- Worker hon ajohkam cheh un lekhabu tampi ahintoh doh khopset tauvin, ahintoh ho jouse chungu kipa thu sangtah ahung kiphongin, ahintoh loulai jousen Jong ihintodoh teidi-
uvin avelin Pakai minin taona ahung kinei kit e.



• Worker hobou hilouvin, houbung mihon jong theology lekhabu ho khel khel hihih jongle, secular lekhabu ho hijongle pakai min a itodoh thei chanu ihintodoh diuvin temma le taona sangtah ahung kineiyin ahi. Mimal (Individual) hi-hen houbung min a hijongle koitobang lekhabu todingla kaneipon, hijongle STS library a koiding lekhabu chohna din kajokham khamin sum hijat hintoh Inge,, tiho jouse Jong kip-ah tah in akilem jinge.

• I-College u Affiliation kidel hi gangtah a muteina dia library a lekhabu koiding angaicha jat hi STS a dia budget inakai nauva kon a chohdoh jouhoi ahitah Lou jeh a hiche tepna (Appeal) hi hung kibol bol jeng ahitai, Chimchah umtah anahikhah tah jongle Pakai minin gelthem ham hamutin, toh molsona din kitho khomutin, pan lakhomute tin temna le taona sangtah ahung kineiyin ahi.

Pakai min a temna le taona hin nei STS Principal le atohkhom-pi Faculty ho le Staff ho.

• KBC in Theology sim B.D/M. Div a pat chunglang final year ho Scholarship kipeji chu tu (2019 - 2020 kum) a din application form akilhatai. Hard Copy Form hi KBC office a Miss Congneo Haokip, P.A to General Seccrtary kom ahiloule Mrs. Vah-boi Baite. Receipt & Issue kom a 9th September, 2020 nia pat a lahthei/muthei ding ahitai. Ahiloule PDF a hung ki upload hi print out kibolthei ahi. Apply bolding dan instruction ho form a ajaotai. Last date of form submission- 18th December, 2020.

• Senate of Srampore/ ATA noiya full fledged/ accredited college a sim second year chan a second claas a pat chunglsm mark mojou hon bou apply abolthei diu, amahon bou amuthei diu ahi. Hetchetbe nom hon noiya kipe number a hi hindoh thei ahi.

VACANCY NOTICE

Kuki Baptist Convention, Christian Education Board invites Application from its members for Recruitment for the Post of Headmaster on contract basis for two years, which could be extended depending upon the performance and subjected to review by the concerned authority. Salary/pay is negotiable depending upon experience.

No. of post: 01

Place of posting: Dr. Colvin Academy, Moreh

Requirements:

1. Born again and Committed Christian not below 45 years.
2. Educational Qualification: Graduate or post graduate from any discipline with B.Ed or M.Ed
3. Experience: Minimum 2 years of experience

Check list for submission:

1. Educational certificates from Matriculate
2. Experience certificate
3. Three copies of recent passport size photograph
4. Baptism Certificate
5. Recommendation from Mother Church and Gambih Pastor

Interested candidates may apply on plain paper along with necessary document through online (kbcindia@rediffmail.com) or by submitting it to the KBC Administrative Office, Imphal. Last date of form submission is 15th November, 2020. Forms submitted after the last date will not be entertained. Date, Time and place for DPC would be intimated to the candidates through their Whatapp.

Christian Education Board, KBC reserves the right to reject any application or candidate without giving any information or reasons to the applicant/candidate.

(Rev. Dr. M. Thongkhosei Haokip)
General Secretary,
Kuki Baptist Convention (I)

Office Diary

September 14, 2020: Elijah Prayer Mount Main Sanctuary (Gothol) mun'a Main Sanctuary sahna ding in Earth Breaking ceremony ana



um in hichea chun Rev. Dr. M. Thongkhosei Haokip, General Secretary, KBC kinthempu in ana pang in Office Secretary chengse jong ana pang uvin ahi.

September 15, 2020: September 13 (Sunday) 2020 nikho a Joujangtek kho mun'a thilsoh jeh in KBC General Secretary lamkaina in Office secretary phabep in kho le houbung mite vilna, tilkhouna



le taokhom pehna aga nei uvin ahi. Het ding khat chu Joujangtek kho hi 1781 kuma ana kitungdoh a chule 1957 kum'a houbung ana ki phutdoh ahi.

September 20, 2020: Finance & property committee in Chassad khopi vilna le tilkhouna ana nei uvin ahi.



September 21, 2020: Elijah Prayer Mount muna'ah Washroom Toilet



let kisah thahho chu Rev. Lamkeng Lhouvum, Mission Secretary thempu hinan thensona kin lolhing tah in ana kichaitai.

September 23, 2020: Dahtum Head deacon pu phailei Sanggam



5 chu twisoh in ana suse chaitai. V a n g s e t n a chung'a pha akisan Pathen in kiledoh kitna hinkho hinpe cheh tauhen.

September 18, 2020: Urangpat vangkho mun'a (L) Ms Helam Haokip thivuina kin'ah Rev. Onkho Haokip le Dr Seilenkap Haokip in Convention thalheng in houlimna le tompon sena aga nei lhon in ahi.

September 22-25, 2020: KBC Workers Retreat 50 channa chu Elijah Prayer Mount, Gothol mun'ah lolhing sel in ana kimang chaitai.



GAMBIH LE CENTRE CHURCH

THU LAHKHOM

September 12, 2020: Gambih Youth Department mopohna noiya CARRIER COUNSELLING & MOTIVATIONAL PROGRAMME chu Pu James Doujapao Haokip, CEO Kangpokpi le Dr John Lupheng, MO Saikul, Resource Person hina in khangthah mi 150 panna in lolhing tah in Centre Church Salem Saikul mun'ah ana kimang chai tai. Hiche kingon

September 13, 2020: Kukite Sahnit Nikho ahitoh Ihon in muntin'a taona le Pathen thua kitil khouna ana chelha in ahi. Singngat Area Kuki Sahnit Nikhuo, Community Hall Lhanghoi Veng ah Rev. Thanggin Touthang in thuseina ana neiyin, Hyderabad khopia Kuki chate lah'a Zoom mang cha in Rev Lamkeng Lhouvum in thuseina ana neiyin, Pune khopia Kuki chate lah'a Zoom mang cha in Rev Onkho Haokip in thuseina ana neiyin, Tuajangvaichong mun'ah Pr Mangcha Tuboi in thuseina ana neiyin ahi.

September 13, 2020: Joujangtek kho mite in Sahnit Nikho aman jing-lai uvin akho heng uva cheng Nungsaite in agam sung uva imun loumun ana kisemdoh kigot jeh uvin nasatah in kidintena ana um in ahi.

September 14, 2020: Vangset umtah in T.Champhai Baptist church a um Pa Letkhoson Touthang Leh Matijang Baptist church a um Pa Ngulkhothang Haokip in tahsa dammona jatchom chom akon damdoh jou ta louvin eina mollem san tauvin ahi. Alongdamsa Ihon tunin Rev. Dr. P. Chongloi Gambih pastor leh Rev. Paolun Haokip Pastor C/C S. Kannan veng in vuina anei Ihon in ahi. Pathen in adalhah insung mite lungmonna hinpe jing tauhen.

September 17, 2020: Vangset umtah in Kangpokpi District Urangpat vangkho (KBC Gambih No. 2) a um (L) Holjam Haokip & Pi Lamkhongai Haokip chanu tahpen Ms Helam Haokip (52) chu Kal nat le Junlhum natna jeh in Shija Hospital, Imphal mun'ah tahsa hinkho thina ana neitan ahi. Ms Helam Haokip hi Integrated Rural Management Association (IRMA) Secretary chule KBC Holistic Development Committee member khat jong ahi. Pathen in adalhah insung mite lungmonna le lhamonna pe jing tauhen.

September 18-19, 2020: KBC No.12 Chahkap B/Ch mun ah TEHSE

CAMP (18-19 September)chu houbung khentum umlou in TEHSE 65 pan na in lolhing tah in akichai Tai!

September 20, 2020: Lom Resource Center (LRC) nikho ahitoh Ihon in Rev.Tongmang Haokip, Men Secretary le atohkhompi Work Committee member cheng in gambih le houbung phabep ah Pathen thu lhangsapna le LRC thua mipite tilkhouna ana neiyun ahi.

September 20, 2020: Rev. Henjalen Dounge, Pastor, KBC.No.3 in Saijang Baptist Church Houin thah, Houbung Changsal, Toilet cum Bathroom hondohna ana neiyin chule Khangthah mi 6 tahsan twilut-na jong anabol in ahi. KIPA THUPHON

September 20, 2020: Vangset umtah in KBC Gambih No.7, Joupi vangkho a (L)Henkhoneng Haokip, 94yrs (1926-2020) in tahsa thina ana toh tai. Pr. Paougoumang@ Benjamin Chongloi, Pastor C/C Joujangtek, Minister hinan vuilemna ana neiyin ahi. Pathenin adalhah a-insung mite jouse lungmonna pe taken.

September 26-29, 2020: KBC Women Department tosotna noiya DR COLVIN ACADEMY MOREH in Vacation Children Training ana bol chu lolhing tah in chaiyin ana um tai. Hiche kin achun Boilen Vaiphei, Neoshy Haokip le Ngamson Haokip speaker in ana pang uvin ahi.

September 29, 2020: Vangset umtah in Keithelmanbi Solam Baptist church KBC No.5 a um Pi Ngahjakim Haokip in tahsa hinkho thina anatoh tai. Pastor Thangminlal Haokip, KBC No.5 kin thempu hina in vuilemna ana umtai. Insung mite Pathen in lungmonna hinpe jing tauhen.

September 29, 2020: N. Molsopai Baptist Church, KBC Gambih No. 8 a um Gl. Jamkhogin Lungdim (40) in eidalhauvin ahi. Insung mite Pathen in lungmonna hinpe jing tauhen.

September 29, 2020: KBC Gambih No.11, Gambih Pastor Rev.Paosei (PP) Haokip le atohkhom piu hon, Chassad Khopi le Houbung mite eihung vilnao vah, Houbung mite jouse thalheng in Gambih No.11 ho chungah Kipa thu Pakai min in kahin phong uve,eitil Khouna hou, kahin kipapi mong mong uve,Gambih No.11 Lamkai ho le Houbung mite jouse, Pathen in phatthei boh be jing tauhen.Chule KBC Houbung ho jouse ahin, Denomination chom chom a kon Centre Church Chassad,hung vil ho jouse ahin,na chungcheh uvah,Kipa thu kahin phong uve.



68th GENERAL ASSEMBLY KOUNA

Amun : B. Vengnom Centre Church, KBC No.8

Lhunkimni : 25th January 2021

Nipini : 26th – 28th January 2021

Kikhenni : 29th January 2021

Pakaija ngailut umtah, KBC General Assembly member ho jouse, min ngei chungnung i-Pakaiju Jesu Christa minin kangailut-na chibai kahin peuve. Calendar of Events, dungjuja chung a kipe mun le nikho sunga hi 68th KBC General Assembly umding ahi. Hijeh chun, member ho jouse ikiloikhomnau ngailutna jal a thon-louva hungpang cheh dingin temna le hetsahna kahin neije.

Assembly Member dingho chu:

1. Houbung thalheng Baptised member 100 changei thalheng 1, Baptised Member 100-200 chan thalheng 2, Baptised member 200 chunglam ahileh thalheng 3 hiding ahi.
2. Convention Workers General & Missionary & Evangelists ho,
3. Convention level a lo beija kigoi (Elected) ho jouse (President, Vice-President, Assembly Secretaries, Auditors, Committee/Board hoa member jouse)
4. Gambih Chairman, Secretary, Gambih Department Chairman le Secretary ho,
5. Pensioner ho, KBC Deputation ho jouse,
6. KBC Ministry – Women, Men, Youth hoa Work Committee ho,
7. Ex-President ho,
8. Member At-Large mi 2,

(Rev. Dr. M. Thongkhosei Haokip)

General Secretary

Kuki Baptist Convention (I)

- Notes:**
1. Assembly a dinga thil angaicha jouse eiman kipoh cheh ding ahi.
 2. Registration Fee hi mikhat na Rs, 1000/- hiding ahi.
 3. Pension lhahding jong mi 4/5 aum e.
 4. Ordination le Licentiate bolding agoma mi 23 aum e.
 5. Kumdanga banga Assembly session sung goh hilouva jingkah/nilah houk homna ima a jong pang cheh dingin hung kigo cheh un.
 6. Lhunkimma akilhun kimcheh banga kikhen nia kikhen khom cheh ding apha.
 7. Tukum hi lamkai (Honorary Officer) ho kilhenna kum jong ahi.

KUKI CHRISTIAN-HO THUSIM'A AMASAPENHO

(Lhakit leh banjom ding)

01. Pu Ngulhao Thomsong chu Anal, Moyon, Monsang ho lah a Kip-ana Thupha (Gospel) polut masapen ahi.

02. Pu Rev. Seikholet Singson chun 1957-1960 sung MBC a Executive Secretary masapen anapon ahi.

03. 1968 Kum in Imphal Christian Centre Church mun a Kuki Worship Service anakibol pan in ahi.

04. 1958 kum KBA le NEKBAM akigop a "Kuki Baptist Convention" kiphudoh a lamkai masapenho chu: President, Pu Sutkai Chongloi, Vice President, Pu Dongkhothang Sinson, Executive Secretary, Pu Tongkhojang Lunkim, Treasurer, Pu Mangkho Thomsong, Clerk, Pu Paokhosem Kholhou, Chowkidar, Pu Tongkhojam Baite.

05. March 16, 1958 kum in KBC Constitution Drafting Committee masapen ana kilheng in, October 22-24, 1958 in Imphal Christian Centre Church mun a Assembly in phatsahna ana nei in 1959 kum in ana kichepi pan in hiche Constitution hi KBC in achepi danpi masapen ahitai.

06. KBC Kiphudoh jouva Department chom chom'a dinga anakilhengdoh Director masapen ho chu: 1. Women Director- Pu Paokhosem Kholhou, 2. Youth Director -Pu Ngamkhoneh Kipgen, 3. Economic Director - Pu Lhuntong Touthang, 4. Stewardship Director, Pu Lalkhosei Kipgen, 5. Evangelist Director - Pu Solomon Vaiphei, 6. Education Director- Pu Dongkhothang Singson, 7. Medical Director - Pu Sonkhothang Kilong ahiuve.

07 KBC Kiphudoh jouva Association 7(Sagi) ana kisemdoh a Superintendent khat noi a anakikoi ho chu noiija hohi ahi.

1. *Gunjil Area Baptist Assn.(GAKBA) Pastor Tongkholam,*

2. *Twilang Area Kuki Baptist Assn. (TAKBA) Pastor Hemkopao,*

3. *Lhumlam Area Kuki Baptist Assn. (LKBA) Pastor Lalkhokhup,* 4. *Lonpi Area Kuki Baptist Assn. (LAKBA) Pastor Ngamjathang,* 5. *AYAPULEN Area Kuki Baptist Assn. (AYAKBA) Pastor Helkhotong,*

6. *Chahsa Area Kuki Baptist Assn. (CAKBA) Pastor Thongkhongam,*

7. *Phaicham Area Kuki Baptist Assn. (PAKBA) Pastor Lalkhosei ahiuve.*

LHAGAO HINKHO PUI HING THEI THUGOLHO

01. Christa tahsan na hileh nikhat leh Pathen in kipaman na peh ding ahi. Hiche kipamanho chu leisetna inatoh thilbol akon a kimudoh ahi.
02. Hiche leisetna natohna chu eihon atoh ding dan kipe (1 Cor. 9:24) a kisei banga ibol ding u ahi.
03. Golsehna munna lhai kitetna akhun minute ni vel bou alut in Vannoi pumpia miminthang akisoh jiuvin ahi. Alhaipettah ukhu minute lhomcha kah ahivang in, akithemchuhnau khu kum 30/40 alhing jin ahi. Minute neocha kah a Crore tamtah amu ukhu kum tamtah anatohgau ahung hijin ahi.
04. Hinkhoa phat hihen, lungthim hihen, ipi hileh akum akum a isuh-manghou hi Pakai Angsung mitphet kah louva tohphatman isanna ding u ahi. Hiche nikho teng chule leiset nahinkho hi thusim hung kisoh intin, nang in tonsot kipana na mu ding ahi.
05. Ineo lai uva ikichatpen u khat chu School ahi. Chule Home Work le Exam kitihohi ahi. Ahinlah akum akum a School ikainau, Home Work ibolnau le Exam ibolnau jouse hi tunia iphatchompiu ahi.
06. Lenna a ilen doh u ahilouleh ilenlhah teng uleh mihem in bolthei akineipoi. Alen hoidan le hoilou dan jong asunga touhon imacha akibol theipoi. Hiche chu Pilot kin ahitai. Eiho hinkho jong eiho kilhen ahipoi, ihung pen ujong, ithi ujong eiho thuthu ahipoi. Ahinlah hinkho inei sung u, ilenna tou sung uva chu eihon ideidan dan uva hinkho iman ding u ahi.
07. Pathen natohna hi lungnachang tah a toh ding ahi. Eihon ihinkhouva Pakai lhacha natoh hi ikipohle jingu ahi.
08. Eiho dinga dei umpen chu ipi lampi hileh asangpen pen chan kaldoh ding chu ahi. Mihemte jouse hin ihinkhouva kimaitopi mol sang lai tamtah inei uvin hicheho hi akal nom tahtahho ding'a nikhat leh kaldoh tei tei ding u ahi.
09. Thil khat pen pen a na lolhin pou pouleh hiche mun laitah achu mipi maiya na dindoh ding ahi.
10. Thusei thei hihih jongleh chun Service na jih doh leh Press ho angunga thu na sei thou thou ding ahi.

KITHOPINA NGAICHAT

Amin: Kailensang Haokip

Akum: 6 years

Apa min: Lamkhohao Haokip

Anumin: Ngahlhai haokip

Akhomin: Leijang khopi B/C

KBC Gambih No. 8

Adammona: Hydrocephalus (Alhoh a twi um)

Operation 13 veijen kibolta

Kum 3 val RIMS, Surgical Intensive Care Unit (SICU), Bed no. 12 a kijen nalai ahin taona le lam chom choma kithopi thei chan in kithopi ding in tem ihiuve. Koi tobang sumlepai a kithopi nom hon noia Bank Account kipea hi thot jong thei ahi.



Contact number: Ngahlhai Haokip # 8787514800

State Bank of India

Name: Neikhokim Haokip

A/C No. 37321467365

IFSC: SBIN0015027

Branch: Tuiboung District HQ.

KIPA THUPHON

Nisim 12, September 2020 Innsung mitsin khojin na ah KBC Ambulance in kitup tah tuni Jan 9:30 Pm vel in Pa Sonkholal Haokip Jondingphai B/Ch a innmun ah a Longdamsa eihin pohlut pih uvin, innsung mite kipana asang e. Pu Nehminthang Haokip in kitup tah in Ambulance eihin tol pih un, Gl. Haoneo in a hin Ihonpi in, pung 10:20 pm in phailang Jon in ahung kile Ihon in, Pathen in phatthei tamtah in boh Jing Ihon ta hen! Pathen in Adalhah innsung mite lungmon na pe hen!

Pastor Lhunkhongam Haokip

Pastor KBC No. 12

KIPATHU SEINA

KBC Finance Policy dungjuiya Gambih Houbungho Houin thahsahho achung tinkhu peh ding kitibang in Saijang Baptist Church, KBC No. 3 Houin akisadoh thei tan Convention chung'ah kipa thu sangtah in ahung kiphong I ahi. Finance Secretary masa Rev. Letpu Kipgen chung ah jong ahung kiphong in ahi.

PAONGAM DIMNGEL Head Deacon

ECCO VAN THAH KICHO DOH TA



March 16, 2020 nikhoa Chassad khopi kihallhahna a Pastor Mangjapao Haokip, Pastor, Centre Church Chassad gari Ecco Van ana kihalhah tha chu Pathen lungsetna jal le houbung mite chule mimal tamtah hapanna jal in August 28, 2020 nikho in athahset khat chohdoh in aum tan Rev. Dr. M. Thongkhosei Haokip, General Secretary, KBC in thensona ana neitai. Hiche gari kichohdohna chung'a pan hinlaho jouse chung'a kipa thu sangtah in ahung kiphong in ahi. Pathen loupina chang taken!

~Finance Secretary

CONDOLENCE

LUNGHEMPINA



(L) Ms Helam Haokip (52)

Vangset umtah in Kangpokpi District Urangpat vangkho (KBC Gambih No. 2) a um (L) Holjam Haokip & Pi Lamkhongai Haokip chanu tahpen Ms Helam Haokip (52) chu Kal nat le Junlhum natna jeh in Shija Hospital, Imphal mun'ah tahsa hinkho thina ana neitan ahi. Ms Helam Haokip hi Integrated Rural Management Association (IRMA) Secretary chule KBC Holistic Development Committee member khat jong ahitoh lhon in Committee member jouse in lunghempina thu ahung kiphon ginPathen in adalhah insung mite lungmonna le lhamonna pe jing tauhen.



Tuilelon Houbung sunga khangthah phabep tuilutna

Serou Mission Field vilna



Thangbuh Kho miten jong
Office staff ho ding in Laiva toi
tampi eihin thot un ahi.



Tujang Vaichong akon in **Office staff**
ho ding An-me ahin thot u ana kiki hom in ahi,

Post Regd. MNP/81
Regd No. 18134/88



**Salem Sapormeina Centre Church mun a Gambih No 4
Exchange tour program mankhomna limlah**



**Gambih 11 executive in Chassad Houbung mite vilna
leh tilkhouna ananei uvin ahi.**



If undelivered, please return to
The Editor. KBC Thuso
KUKI BAPTIST CONVENTION
Opp. DM College, Imphal - 795 001
Contact: 9862633173

**Secretary hon Chahmol B Church vilna
ana nei, lamkai hotoh kimuto na ananei**